



UNIVERSITETI - UNIVERSITY - UNIVERZITET
“HAXHI ZEKA”

Këshilli Drejtues

Datë: 02.11.2023

Në bazë të nenit 17 dhe nenit 23, paragrafi 1, nën-paragrafi 1.6, dhe 1.6.2. të Statutit Nr. 04-V-622 të Universitetit “Haxhi Zeka” Pejë, Këshilli Drejtues në mbledhjen e mbajtur me 31.10.2023, morri këtë:

V E N D I M

- I. **MIRATOHET** Rregullorja për të ardhura personale të personelit akademik, shtesat sipas funksioneve dhe kompensimet tjera në Universitetin “Haxhi Zeka” në Pejë.
- II. Me hyrje në fuqi të kësaj rregullore shfuqizohen të gjitha aktet e brendshme të UHZ-së, të cilat rregullojnë çështje të cilat trajtohen me këtë rregullore.
- III. Këtij vendimi i bashkëngjitet Rregullorja për të ardhura personale të personelit akademik, shtesat sipas funksioneve dhe kompensimet tjera në Universitetin “Haxhi Zeka” në Pejë.
- IV. Vendimi hyn në fuqi në ditën e nënshkrimit.

Kryesuese e Këshillit Drejtues të UHZ-së
Prof. Ass. Dr. Majlinda Belegu



Vendimi t'i dërgohet: Kryesueses së KD-së, Rektorit, U.d. Sekretarës së Përgjithshme, Prorektorit për Infrastrukturë, Buxhet dhe Financa, Dekanëve te njësive akademike, Kryesuesit të IT-së dhe Arkivës së UHZ-së.



	REPUBLIKA E KOSOVËS REPUBLIKA KOSOVA MINISTRIA E ARSIMIT, SHKENCËS DHE TEKNOLOGjisë	UNIVERSITETI UNIVERSITETI "HAXHI ZEKA" PEJË
REKTORATI		
Nr. / Br. / No.	3162	Nr. ifaq/ Br. str / No. pg 11
Data / Datum / Date:	03/11/2023 Pejë / Pejë	

UNIVERSITETI - UNIVERSITY - UNIVERZITET
"HAXHI ZEKA"

Në bazë të kompetencave të përcaktuara sipas nenit 23, paragrafi 1, nën-paragrafi 1.6, nën-nënparagrafi 1.6.2. të Statutit të Universitetit "Haxhi Zeka" në Pejë, Këshilli Drejtues i Universitetit "Haxhi Zeka", në mbledhjen e mbajtur më 31.10.2023, miratoi:

RREGULLORE

për të ardhurat personale të personelit akademik, shtesat sipas funksioneve dhe kompensimet tjera në Universitetit "Haxhi Zeka" në Pejë

Neni 1 Qëllimi

Kjo rregullore ka për qëllim të rregulloj çështjet e të ardhurave personale, pagesat dhe kushtet e shërbimit për personelin, procedurat e mënyrave të kompensimit të punës për personelin akademik në marrëdhënie pune të rregullt apo të angazhuar në UHZ, shtesat funksionale për ushtrimin e funksionit përkatës, si dhe kompensimin e punës të anëtarëve të komisioneve të specifikuara në këtë rregullore, të cilat emërohen brenda UHZ-së, duke mos përjashtuar edhe çështjet e tjera që ndikojnë në mënyrë të drejtpërdrejtë ose jo të drejtpërdrejtë në të ardhurat personale duke u bazuar në legjislacionin e zbatueshëm në Universitetin "Haxhi Zeka" në Pejë.

Neni 2 Përkufizimet dhe shkurtesat

- Për nevoja të kësaj rregulloreje shprehjet e mëposhtme dhe shkurtesat e kanë kuptimin si në vijim:
 - MASHTI** - Ministria e Arsimit, Shkencës, Teknologjisë dhe Inovacionit;
 - UHZ** - Universiteti "Haxhi Zeka" në Pejë;
 - Bashkëpunëtor i jashtëm** - Mësimdhënësi, lektori dhe asistenti i angazhuar, i cili nuk ka marrëdhënie të rregullt pune me UHZ-në ose ka pezulluar marrëdhënien e punës në UHZ (sipas ligjeve në fuqi dhe vendimeve të organeve të UHZ-së) dhe angazhohen me një fond të caktuar të orëve, duke respektuar kriteret dhe procedurat, të përcaktuara me Statut dhe rregulloret në fuqi, përfshirë edhe mësimdhënësit dhe lektorët që angazhohen në kuadër të bashkëpunimit me ambasada dhe agjenci shtetërore të vendeve përkatëse si: USAID, DAAD, OEAD, por edhe agjenci shtetërore të shteteve të tjera, të cilët kanë bashkëpunim me njësitë akademike të UHZ-Së;
 - FB** - Fakulteti i Biznesit;
 - MTHM** - Fakulteti i Menaxhimit nw turizwm, Hotelieri dhe Mjedisit;
 - FJ** - Fakulteti Juridik;
- Normë e plotë** - Nënkupton fondin e orëve mësimore për personelin akademik në marrëdhënie të rregullt pune në UHZ-, e cila pasqyrohet edhe në kontratën e punës;

- 1.11. Punë shtesë** - Punë ose angazhim me orë shtesë, që tejkalojnë orët e përcaktuara për normë të plotë, në rastin e personelit akademik në marrëdhënie të rregullt pune në UHZ;
- 1.12. Koeficienti** - Nënkupton shprehjen numerike që korrespondon me klasën dhe grupin e pagës. Bazuar në këtë koeficient, llogaritet paga bazë për çdo pozicion;
- 1.13. Pagë shtesë** - Pagë shtesë në përqindje të pagës bazë e cila i takon personelit akademik për punën më të gjatë se orët e përcaktuara me normë të plotë dhe për punë gjatë fundjavës;
- 1.14. Shtesë funksionale** - Shtesa funksionale e cila i takon personelit akademik për ushtrimin e funksionit përkatës, siç parashihet në legjislacionin e zbatueshëm dhe në Statutin e UHZ-së;
- 1.14. Funksionarë publikë** - Nënkupton: të zgjedhurit; anëtarët e Qeverisë dhe zëvendësit e tyre; funksionarët e emëruar nga Kuvendi i Republikës së Kosovës, Presidenti i Republikës së Kosovës, Qeveria e Republikës së Kosovës, titullarët apo anëtarët e organeve drejtuese kolegjiale të institucioneve të pavarura kushtetuese dhe të agjencive të pavarura; të emëruarit politik në nivelin qendror dhe lokal; drejtori apo anëtarët e organit drejtues kolegjial të agjencive rregulatorë;
- 1.15. Profesor vizitor/i ftuar** - Nënkupton mësimdhënësin e angazhuar nga një Universitet dhe institucion tjetër ndërkombëtar i arsimit të lartë;
- 1.16. SMU** - Sistemi i Menaxhimit Universitar.

Neni 3 Dispozitat e përgjithshme

1. Mjetet për të ardhurat personale shfrytëzohen nga fondi i Buxhetit të Republikës së Kosovës, tarifat e shkollimit dhe pagesat e tjera të studentëve, pagesat e shërbimeve komerciale, donacionet dhe nga kontratat me mekanizma kombëtarë dhe ndërkombëtarë, publikë dhe privatë.
2. Nga burimet financiare të pasqyruara në paragafin 1 paguhen të ardhurat personale dhe kompensimet e tjera të personelit në marrëdhënie të rregullt pune, shtesat sipas funksioneve dhe kompensimeve tjera, puna me normë të plotë dhe puna shtesë e personelit akademik të rregullt dhe bashkëpunëtorët e jashtëm në Universitetin “Haxhi Zeka”.
3. Lartësia e të ardhurave personale caktohet në bazë të koeficientëve dhe thirrjeve të koduara në shërbimin qendror për të ardhurat, sipas kodimit unik për tërë nëpunësit publikë të arsimit në Kosovë.
4. Zyrtari i pagave i UHZ-së e bën përllogaritjen e të ardhurave personale dhe pagesave tjera, në bazë të vendimeve dhe kontratave të organeve të UHZ-së. Mbi këtë bazë menaxhmenti i UHZ-së jep urdhër për realizimin e pagesave sipas vendimeve dhe kontratave të cilat lidhen me të punësuarit, me rastin e angazhimit.

Neni 4 Marrëdhënia e punës e personelit akademik

1. Me personelin akademik në marrëdhënie të rregullt pune, në pajtim me legjislacionin e zbatueshëm në Universitetin “Haxhi Zeka”, lidhet kontratë pune në kohëzgjate të caktuar, në pajtim me kushtet për emërim dhe titullin akademik.

2. Personelit akademik që i ka përfunduar kontrata e punës si në paragrafin 1, si pasojë e shtyrjes së hapjes së konkursit për shkak të rrethanave objektive jashtë vullnetit të tij, përkatësisht vonesave në përfundimin e procedurave të emërimit, riemërimit apo avancimit, i vazhdohet kontrata në thirrjen aktuale deri në përmbylljen e procedurave të konkursit të radhës të shpallur pas skadimit të kontratës përkatësisht deri në marrjen e vendimit përfundimtar nga ana e Senatit lidhur me konkursin në cilin ka aplikuar kandidati.
3. Duke u bazuar në rregulloret e brendshme në fuqi, UHZ-ja angazhon në mësimdhënie, për kohë të caktuar dhe sipas nevojës, bashkëpunëtorë të jashtëm për ligjërata dhe ushtrime, profesorë vizitorë dhe personelin akademik të pensionuar me të drejtë angazhimi, duke u bazuar në legjislacionin e zbatueshëm në UHZ.
4. Në kuadër të marrëdhënies së punës, përpos normës së plotë të ligjératave dhe ushtrimeve për personelin akademik, sipas kontratës (40 orë në javë) hyjnë edhe angazhimet si në vijim: përgatitja e ligjératave dhe ushtrimeve; mbikëqyrja e punimeve të diplomës dhe seminareve në studimet baçelor dhe master, si dhe pjesëmarrja në komisione; përgatitja dhe mbajtja e provimeve dhe konsultimeve si dhe detyra dhe angazhime të tjera, bazuar në rregulloren per ngakesen ne pune 299 dt.08.02.2023 dhe aktet e tjera në fuqi.
5. Marrëdhënia e punës me normë të plotë, si dhe angazhimet e tjera bëhen sipas vendimeve të organeve kompetente dhe kontravate individuale të lidhura në mes të UHZ-së dhe personelit akademik.

Neni 5
Kufizimet në marrëdhënien e punës me normë të plotë

1. Personeli në marrëdhënie të rregullt pune nuk mund të ketë kontratë tjeter të punësimit me normë të plotë në ndonjë universitet apo institucion tjeter, por mund të jetë i angazhuar.
2. Kriteret e kufizimeve përkitazi me angazhimet shtesë të personelit akademik në ndonjë institucionin tjeter, brenda apo jashtë vendit, përcaktohen me legjislacionin e zbatueshëm dhe vendimet përkatëse të organeve kompetente të UHZ-së.

Neni 6
Adresimi i përgjegjësisë disiplinore

Për shkelje dhe mos përbushje së vazdueshme të detyrave të punës, do të zbatohet procedura disiplinore dhe masat e përcaktuara në pajtim me Statutin e UHZ-së, Kodin e Etikës, aktet e ligjore dhe nënligjore të zbatueshme të Universitetit.

Neni 7
Kompensimi për normën e rregullt të personelit akademik

1. Punë me orar të plotë konsiderohet puna me kohëzgjatje javore prej dyzet (40) orësh.
2. Për personelin akademik në marrëdhënie të rregullt pune, përcaktohet norma e plotë e orëve javore të mësimit dhe lartësia e pagës sipas titujve akademik.

3. Për angazhim me orë shtesë, që tejkalojnë orët e përcaktuara për normë të plotë favor të mësimit, personeli akademik në marrëdhënie të rregullt pune në UHZ, përfiton pagë shtesë në përqindje të pagës bazë, në përputhje me legjislacionin në fuqi.
4. Norma e plotë e orëve javore të mësimit për personelin akademik dhe pagesa përkatëse është si në vijim:

Tabela nr. 1.

Nr.	Titulli akademik	Norma e plotë e orëve javore të mësimit	Koeficienti ¹	Paga bazë
1.	Profesor i rregullt	6 (gjashtë)	12.4	1,302.00
2.	Profesor i asocuar	6 (gjashtë)	11.4	1,197.00
3.	Profesor asistent	6 (gjashtë)	10.4	1,092.00
4.	Lektor	10 (dhjetë)	7.5	787.50
5.	Korepetitor	16 (gjashtëmbëdhjetë)	7.5	787.50
6.	Asistent	10 (dhjetë)	7.2	756.00

5. Me qëllim të kompensimit dhe implikimeve buxhetore, kusht për shpalljen e konkursit përvendet e reja në UHZ, për mësimdhënës, asistent, lektorë dhe korepetitorë është plotësimi i së paku 50% të orëve të parapara me normë të plotë në lëndët obligative, kurse pjesa tjetër në lëndët zgjedhore.
6. Në rastet kur njësitë akademike i dëshmojnë Senatit rrezikimin e akreditimit/ri-akredimit të programeve dhe fondi i orëve në fushën e caktuar nuk mund të plotësohet me orë të ligjératave, brenda vitit akademik lejohet fondi prej së paku 8 orë ligjérata, ndërsa orët tjera mund të plotësohen me ushtrime. Ushtrimet duhet të janë në lëndët përligjératave e cilave është duke u shpallur konkursi. Edhe në këtë rast së paku 50% e ligjératave përkatësisht 4 orë duhet t'i takojnë lëndëve obligative, ndërsa pjesa tjetër mund të mbulohen me ligjérata nga lëndët zgjedhore.
7. Plotësimi i orëve të nevojshme mësimore për shpalljen e konkursit për mësimdhënës si në paragrafin 5 dhe 6 të këtij neni nuk mund të bëhet me orë të ligjératave nga norma e mësimdhënësve të cilët tashmë janë të emëruar, përkatësisht nëpërmjet zëvendësimit të orëve të ligjératave të mësimdhënësve tashmë të emëruar me orë të ushtrimeve.

Neni 8 **Kompensimi i personelit akademik për orët shtesë të punës**

1. Personelit akademik në marrëdhënie të rregullt pune në UHZ, i takon pagë shtesë për çdo orë mësimore të mbajtur jashtë normës së plotë si në nenin 7, paragrafi 4, Tabela nr. 1.

¹ Vlera monetare e koeficientit përcaktohet me Ligjit mbi ndarjet buxhetore për buxhetin e Republikës së Kosovës. Përcaktimi i vlerës së koeficientit bëhet në pajtim me legjislacionin për menaxhimin e financave publike

2. E drejta e kompensimit shtesë zbatohet deri në masën prej 30% të pagës bazë dhe në proporcion me orët e punës (si në Aneksin 1 të kësaj rregulloreje).
3. Llogaritja e lartësisë së kompensimit për orë shtesë të punës si në paragrafin 2 bëhet mbi pagën bazë. Kjo llogaritje mund të varijojë në raport me rritjen e pagës bazë për shkak të përvojës të punës, sipas përcaktiveve të legjislacionit relevant në fuqi.
4. Departamenti apo nënndarja hierarkike ekuivalente e njësisë akademike, në fillim të vitit akademik përkatës, identifikon dhe konstaton nevojat për angazhimin e personelit e rregullt akademik me orë shtesë të punës sipas përcaktiveve të kësaj rregulloreje.
5. Departamenti apo nëndarja hierarkike ekuivalente i parashtron dekanit, si autoritet menaxhues dhe mbikëqyrës të drejtpërdrejtë të personelit akademik të njësisë akademike, kërkesë për lejimin e angazhimit të personelit akademik si në paragrafin 2. Kërkesa duhet të dorëzohet jo më pak se pesëmbëdhjetë (15) ditë para fillimit të vitit të ri akademik, respektivisht para fillimit të semestrit veror (në rastet kur angazhimi bëhet vetëm për këtë semestr).
6. Kërkesa, bashkë me pëlqimin e dekanit të njësisë akademike përkatëse, i përcillet për vendimmarje rektorit, si autoritet kryesor menaxhues, jo më pak se dhjetë (10) ditë para ditës para fillimit të vitit të ri akademik, respektivisht para fillimit të semestrit veror (në rastet kur angazhimi bëhet vetëm për këtë semestr). Përjashtimisht, ky afat nuk aplikohet në rast të rrethanave të cilat nuk mund të parashihen, e që janë jashtë kontrollit dhe pavarësisht vullnetit të institucionit.
7. Rektori, brenda pesë (5) ditëve nga pranimi i pëlqimit të dekanit të njësisë akademike, merr vendim si në paragrafin 6 të këtij neni.
8. Mësimdhënësit në marrëdhënie të rregullt pune, sipas vlerësimit të njësisë akademike përkatëse dhe duke pasur parasysh nevojat, mund të mbajnë orë shtesë edhe të ushtrimeve, por jo më shumë se 3 (tri) orë për semestr, të cilat kompensohen si orë të ligjératave, ashtu siç është përcaktuar në këtë rregullore. Orët shtesë nuk mund të tejkalojnë fondin e orëve shtesë të punës, të përcaktuar me këtë rregullore. Orët shtesë të punës me ushtrime mund të llogariten vetëm pasi mësimdhënësi ta ketë plotësuar normën e plotë të mësimit me ligjérata dhe vetëm atëherë kur orët përkatëse nuk mund të mbulohen nga asistentët.
9. Orët shtesë të punës nuk mund të barten prej një semestri në semestrin tjetër. Me rastin e caktimit dhe kompensimit të orëve shtesë për vitin akademik, paraprakisht duhet të plotësohet norma e plotë për vit akademik. Pasi të jetë plotësuar norma e plotë e personelit akademik në kuadër të programit/departamentit (për mësimdhënësit me ligjérata, për asistentët me ushtrime), orët e mbetur mund të kompensohen si orë shtesë. Në secilin rast, orët shtesë nuk mund të kompensohen nëse paraprakisht nuk janë shpallur në konkurret përkatëse për personel të rregullt ose për bashkëpunëtor të jashtëm.

Neni 9
Angazhimi i personelit akademik të pensionuar

- Personeli akademik i pensionuar, që ka qenë në marrëdhënie të rregullt pune në UHZ, mund të angazhohet deri në normën javore të mësimit si nenin 7, Tabela nr. 1, varësisht titullit akademik, me të drejtë të kompensimit për orë pune në lartësi të përqindjes (%) së kompensimit shtesë për orë pune të personelit në marrëdhënie të rregullt pune, si në Aneksin 1.
- Personeli akademik si në paragrafin 1, bëhet mbi bazën e nevojave të njësive akademike dhe në përputhje me kriteret e përcaktuara me legjislacionin e zbatueshëm në UHZ.

Neni 10
Kompensimi për bashkëpunëtorët e jashtëm në UHZ

- Bashkëpunëtorëve të jashtëm, në përputhje me këtë rregullore, ju takon kompensimi për çdo orë të mbajtur, si në Aneksin 1.
- Bashkëpunëtorëve të jashtëm, në përputhje me këtë rregullore, u takon kompensimi për më së shumti tetë (8) muaj brenda vitit akademik, sipas orëve të realizuara siç përcaktohet me këtë rregullore.
- Lektorëve, të cilët angazhohen si rezultat i bashkëpunimit me ambasada dhe me agjenci shtetërore të vendeve përkatëse apo marrëveshjeve me universitete të huaja, në përputhje me këtë rregullore dhe marrëveshjen përkatëse. Angazhimi i kësaj kategorie të lektorëve bëhet nga Senati për çdo vit akademik.
- Në raste të mungesës së bashkëpunëtorëve të jashtëm me gradën adekuate, në përputhje me rregulloren e procedurave vlerësuese për angazhimin e bashkëpunëtorëve të jashtëm, për ligjërata në nivelin e studimeve baçelor mund të angazhohen përjashtimisht edhe kandidatët me gradën e Magjistrat (Mr. Sc.) ose Masterit (MA), sipas Statutit dhe rregulloreve në fuqi të UHZ-së.
- Pagesa për kategorinë nga paragrafi 4 të këtij neni do të bëhet në lartësinë e pagesës së përcaktuar për bashkëpunëtorëve të jashtëm për ushtrime.

Neni 11
Kompensimi i profesorëve vizitorë

- Profesorët vizitorë nga universitetet e vendeve të rajonit që kufizohen me Republikën e Kosovës, përfshirë Bosnjën dhe Hercegovinën, për çdo orë të mbajtur, kompensohen 30.00 € bruto.
- Profesorëve vizitorë nga vendet jashtë rajonit, për çdo orë të mbajtur, u takon kompensimi 40.00 € bruto.
- Profesorët vizitorë angazhohen me propozim të Këshillit të njësisë akademike dhe miratimit përfundimtar të Senatit të UHZ-së. Angazhimi i profesorëve vizitorë mund të bëhet vetëm pas planifikimit paraprak nga njësia akademike përkatëse, para fillimit të vitit akademik.

4. Profesorit vizitor, nuk mund t'i kompensohen më shumë se njëzet e katër (24) orë brenda muajt, të cilat mund të mbahen sipas sistemit bllok, por jo më shumë se gjashtë (6) orë brenda një dite të punës.
5. Profesorit vizitor nga vendet jashtë rajonit do t'i mbulohen shpenzimet e biletës së udhëtimit, por jo më shumë se një (1) biletë kthyese, sipas çmimit të arsyeshëm (ekonomik).
6. Në rastet kur UHZ-ja ka të nënshkruar memorandum mirëkuptimi me Universitetet tjera, e në të cila parashihet shprehimisht shkëmbimi i profesorëve vizitor për cikël të kufizuar ligjëratash, dhe nëse një shkëmbim i tillë është në përmasa afërsisht të njëjtë për të dy Universitetet, kërkesa përkatëse nga njësia akademike mund të bëhet në çdo kohë dhe nuk ka nevojë të aprovohet në Senat. Varësisht nga marrëveshja, shpenzimet lidhur me vizitat e tillë merren përsipër nga Universiteti dërgues ose nga Universiteti pritës.
7. Nëse marrëveshja parashev që kompensimi i shpenzimeve të shkëmbimit si në paragrafin 6 të mbulohet nga institucioni pritës, UHZ-ja do të mbuloj kompensimin deri në 6 orë ligjëratë si në paragrafin 1, përkatësisht 2 të këtij neni, shpenzimet e udhëtimit dhe akomodimit në nivelin siç parashihet në vendimin e Qeverisë për shpenzime jashtë vendit, respektivisht sipas tarifave përvendin e institucionit me të cilin ekziston marrëveshja si në paragrafin 6 të këtij neni.
8. Nëse marrëveshja parashev që kompensimi i shpenzimeve të shkëmbimit si në paragrafin 6 të mbulohet nga institucioni dërgues, UHZ do t'ia kompensoj stafit të tij deri në 6 orë të mbajtura në shumë prej 180 euro bruto (6*30 euro). Të gjitha shpenzimet e tjera shoqëruarë (udhëtim, akomodim, ushqim) paguhen sipas akteve ligjore në fuqi për udhëtime jashtë vendit. Shpenzimet totale nuk mund të tejkalojnë shumën prej 1,000.00 euro bruto për një profesor vizitor dhe ato paguhen mbi pagën e rregullt që ai/ajo merr në UHZ.
9. UHZ do t'i mbuloj të gjitha shpenzimet sipas paragrafit 6 për personelin e vet, vetëm nëse UHZ-ja ka një memorandum të mirëkuptimit të nënshkruar me Universitetin pritës në të cilin parashihet shprehimisht shkëmbimi i profesorëve vizitorë.
10. Në rastet kur UHZ-ja ka të nënshkruar memorandum mirëkuptimi me Universitetet tjera, e në të cila parashihet shprehimisht shkëmbimi i profesorëve vizitor, një mësimdhënës i UHZ-së, nuk mund të qëndroj në cilësi të profesorit vizitor më shumë se 1 (një) herë në Universitetin e njëjtë, për lëndë të njëjtë. Qëndrimi i përsëritur në Universitetin e njëjtë, por për lëndë të ndryshme, lejohet vetëm nëse nuk ka të interesuar tjerë (përfshirë Prof. asoc. ose Prof. ass.) për realizimin e qëndrimit në Universitetin përkatës.
11. Rektori i UP-së nxjerr vendim për secilin profesor vizitor të njësive akademike në të cilin specifikohen përgjegjësitet dhe obligimet përkatëse.
12. Buxheti i ndarë për profesorët miratohet nga Këshilli Drejtues, pas propozimit të Rektorit dhe rishikohet në intervallë të caktuara vjetore.
13. Me kërkesë të arsyetuar nga Rektori, skerna e përfitueseve nga radhët e profesorëve vizitorë mund të zgjerohet me vendim të Këshillit Drejtues, por brenda lartësisë së buxhetit të aprovuar përvitin përkatës.

Neni 12**Fondi i orëve për bashkëpunëtorë të jashtëm dhe profesorë vizitorë**

Angazhimi i bashkëpunëtorëve të jashtëm për ligjërata dhe ushtrime, si dhe i profesorëve vizitorë, bëhet për fond të orëve si në Aneksin 1.

Neni 13**Kompensimi për orët e mbajtura në studimet e doktoratës**

1. Orët e mbajtura në studimet e doktoratës llogariten në kuadër të normës së plotë mësimore dhe orëve të punës shtesë, të përcaktuara sipas kësaj rregulloreje.
2. Kompensimi i personelit akademik për orët mësimore, shërbimin në komisionet përkatëse në nivelin e doktoratës dhe angazhimet tjera, do të përcaktohet me akt të veçantë të nxjerrë nga Këshillit Drejtues.

Neni 14**Kompensimi për pozitat menaxhuese dhe funksioneve tjera në nivel të UHZ-së dhe në njësi akademike**

1. Personeli akademik, në rastet kur ushtrojnë edhe funksionet përkatëse, përfitojnë shtesë funksionale për ushtrimin e funksionit përkatës. Vlera e shtesës nuk mund të kalojë njëzet për qind (20%) të pagës bazë të bartësit të funksionit.
2. Në rast se pezullohet angazhimi si staf akademik e profesorit universitar, gjatë ushtrimit të funksioneve si: rektor, prorektor, dekan dhe prodekan, do të zbatohet koeficienti i pagës si në shtojcën përkatëse të Ligjit për pagat në sektorin publik.
3. Profesori universitar i pensionuar, të cilit i është caktuar titulli “Profesor Emeritus” nga Senati, përfiton shtesë mujore prej 20% të pagës bazë të profesorit të rregullt.
4. Në rast se nuk parashihet ndryshe me akt të posaçëm, lartësia e kompensimit për kryetarin dhe anëtarët e Këshillit Drejtues, bëhet në masën tridhjetë për qind (30%) për kryetarin dhe njëzet për qind (20%) për anëtarët, të pagës bazë së zyrtares/it kryesor administrativ të institucionit. Ky kompensim zbatohet për anëtarët e emëruar nga Ministria përgjegjëse dhe për anëtarët e zgjedhur nga Senati.
5. Personeli akademik, nuk mund t’i mbajnë dy funksione si ato me nr. 1 deri 13 të përcaktuara në Tabelën nr. 2.
6. Personelit akademik, në pajtim me këtë rregullore përfiton shtesë funksionale shtesë mbi pagën bazë si në Aneksin nr.2.

Neni 15
Përcaktimi i grupeve në studime (për ligjérata dhe ushtrime)

1. Përcaktimi i grupeve në bazë të numrit të studentëve sipas specifikave të fakulteteve, si në Tabelen nr. 2.

Tabela nr. 2.

	Ligjérata	Ushtrime
Fakulteti i Biznesit	Lëndë obligative 75 studentë për grup Lëndë zgjedhore: Grupi minimalisht 30 studentë për BSC dhe 20 për Msc	Lëndë obligative 50 studentë për grup Lëndë zgjedhore minimumi 30 studentë për grup për Bsc dhe master 20
Fakulteti Juridik	Lëndë obligative deri në 75 studentë për grup në Bsc dhe 30 studentë për Msc. Lëndët zgjedhore: Grupi minimalisht 50 studentë për BSC dhe 15 për Msc	Lëndë obligative deri në 50 studentë për grup Lëndë zgjedhore minimumi 30 studentë për grup në Bsc dhe 20 Msc
Fakulteti Menaxhim Turizëm, Hoteleri dhe Mjedis	Lëndët obligative deri në 30 studentë për grup (në varësi të numrit të studentëve të regjistruar ky numër mund të jetë më i vogël por jo më pak se 25 studentë)	Lëndët Obligative deri 50 studentë për grup Lëndët Zgjedhore deri në 25 studentë për grup
Fakulteti i Agrobiznesit	Lëndët obligative 30 studentë për grup dhe lëndët zgjedhore minimalisht 15 studentë për grup	Lëndët teorike 20 studentë për grup; Lëndët zgjedhore teorike 15 studentë për grup; Lëndët laboratorike obligative 15 studentë dhe lëndët zgjedhore laboratorike 10 studentë
Fakulteti i Arteve (lëndët e përbashkëta) Lëndët grupore	Lëndët obligative 30 studentë dhe lëndët zgjedhore >10 studentë.	

Neni 16
Vlefshmëria dhe mbikëqyrja e orëve të mbajtur

1. Çdo orë e mbajtur arsyetohet me listat elektronike të studentëve, të gjeneruara nga SMU, të verifikuara dhe nënshkruara nga prodekan i përshtatshëm. Me qëllim te kompensimit listat fizike mund të përdoren si dëshmi për mbajtjen e orës vetëm si përjashtim dhe vetëm për shkak të rrethanave objektive², të cilat rrethana duhet të konfirmohen me shkrim nga prodekan i për çështje mësimore.

² Në këtë rast “rrethanë objektive” konsiderohet ndërprerja e energjisë elektrike dhe problemet eventuale në SMU dhe pajisjet e SMU në salla, të cilat konstatohen nga zyra për teknologji të informacionit në UHZ.

2. Orët e mbajtura online arsyetohen në bazë të evidencës së regjistrimit elektronik të prezencës së studentëve, në bazë të raporteve të gjeneruara nga SMU.
3. Orët e mbajtura nga personeli akademik i pensionuar, bashkëpunëtorët e jashtëm dhe orët shtesë të punës të personelit të rregullt kompensohen në muajin vijues, në bazë të raporteve (elektronike) të dërguara dhe të verifikuara nga prodekani për mësim.
4. Raportet e verifikuara nga prodekani për çështje mësimore dorëzohen për pagesë tek prodekani për financa i njësisë akademike përkatëse deri më datë 5 të muajit vijues i cili e përcjell listën tek zyrtari i pagave. Në rast se raportet e verifikuara të muajt paraprak nuk dorëzohen për pagesë deri me datë 5 të muajit vijues (përjashtimisht ditëve të pushimit), kompensimi nuk mund të realizohet.
5. Raportet për orët e mbajtura më të vjetra se një muaj nuk kompensohen.
6. Ora e mbajtur konsiderohet e vlefshme sipas kësaj rregulloreje dhe mund të kompensohet, në rast se kanë marrë pjesë së paku një (1) student.
7. Në rast të mos mbajtjes ose mos mbajtjes me rregull të orëve, dekani i njësisë akademike deri me datën 5 të muajt vijues është i obliguar të shqiptojë sankzionet financiare, sipas kësaj rregulloreje.
8. Në rastet kur në orë nuk ka marrë pjesë asnjë student, pavarësisht pranisë së profesorit/asistentit, ora konsiderohet e pavlefshme dhe nuk kompensohet.
9. Orët mësimore të cilët bien gjatë festave zyrtare të përcaktuara me ligj duhet të zëvendësohen.
10. Në rast se pa arsyen personeli akademik nuk dorëzon raportin e orëve të mbajtura deri me datën 5 të muajit vijues, përgjegjësia për mosrealizim të pagesave do të bie mbi të.
11. Përjashtimisht, në rastet kur në muajin përkatës nuk ka mjete buxhetore për pagesë, pagesa mund të shtyhet për muajt vijues.

Neni 17
Dispozitat kalimtare dhe përfundimtare

1. Kjo rregullore fillon të zbatohet duke filluar nga viti akademik 2023/24.
2. Me hyrje në fuqi të kësaj Rregulloreje shfuqizohen të gjitha aktet e brendshme të UHZ-së, të cilat rregullojnë çështje të cilat trajtohen me këtë rregullore.
3. Pjesë përbërës e kësaj Rregulloreje janë:
 - 3.1. Aneksi nr.1 - Norma e orëve dhe lartësia e kompensimit për punën shtesë të personelit të rregullt akademik, orët mësimore të personelit akademik të pensionuar (të angazhuar në mësimdhënie deri në moshën 70 vjeçare) dhe orët mësimore të personelit të angazhuar në cilësi të bashkëpunëtorëve të jashtëm.

- 3.2. Ankesi nr.2 - Lartësia e shtesave funksionale dhe kompensimit për funksionet shtesë.
4. Plotësimi dhe ndryshimi i kësaj Rregulloreje, bëhet në procedurën e njëjtë të miratimit.

Neni 18
Hyrja në fuqi

1. Kjo rregullore hyn në fuqi pas miratimit nga Këshilli Drejtues.

Kryesuese e Këshilli i Drejtues të UHZ-së:

Prof. Ass. Dr. Majlinda Belegu



Lartësia e shtesave funksionale dhe kompensimit për funksionet shtesë

mbështetur në Ligjin Nr. 08/L-196 për pagat në sektorin publik, Rregulloren (QRK) Nr. 09/2023 për shtesën funksionale dhe Rregulloren (QRK) Nr. 10/2023 për kompensimin për funksionin shtesë

Nr.	Funksioni	Lartësia e kompensimit	Llogaritja e kompensimit në bazë të Opinionit ligjor me nr. reference 167/2023, datë 7.6.2023 të Departamentit Ligjor/MPB
1	Anëtar i Senait	€ 76,44	Llogaritja e shtesës majore në lartësi prej 7% të pagës bazë të Profesorit asistent, sipas klasës dhe koeficientit si në Shjoja Nr. 8 të Ligjit Nr. 08/L-196, apo 10.4×105 €. Nga kjo shtesë përijashtohen menaxhmenti qendror dhe dekanët e njësive akademike.
2	Shef/koordinator/e i qendrave profesionale në nivel qendror si dhe qendrave që themelohen nga Këshilli drejtues	€ 163,80	Llogaritja e shtesës majore në lartësi prej 15% të pagës bazë të Profesorit asistent, sipas klasës dhe koeficientit si në Shjoja Nr. 8 të Ligjit Nr. 08/L-196, apo 10.4×105 €.
3	Kryesues i Këshillit drejtues	€ 447,30	Këshilli drejtues është autoriteti kryesor qeverisës i Universitetit. Llogaritja është bërë në lartësinë prej 30% të pagës bazë të rektorit. Sipas nenit 38 pika 3
4	Anëtar i Këshillit drejtues	€ 298,20	Këshilli drejtues është autoriteti kryesor qeverisës i Universitetit. Llogaritja është bërë në lartësinë prej 20% të pagës bazë të rektorit.
5	Këshilltar i rektorit		Personeli mbështetës i rektorit përbëhet këshilltar i jashtëm dhe i brendshëm. Në rastin e këshilltarit të jashtëm, kompensimi bëhet përshtatshme ri me këshilltarin e Ministrit, ndërsa në rastin e këshilltarit të brendshëm kompensimi bëhet në lartësinë prej 20% të pagës bazë sipas thirrjes akademike që ka i emëruari.
6	Profesor Emeritus	€ 260,40	Llogaritja e shtesës majore në lartësi prej 20% të pagës bazë të profesorit të rregullt universitar, sipas përcaktimit të paragrafit 2 të nenit 32 të Ligjit Nr. 08/L-196.
7	Drejtør i njësis organizative (Qendra për Ekselenc, Qendra për inovacione etj.)	€ 100,46	Llogaritja e shtesës majore në lartësi prej 9.2% të pagës bazë të Profesorit asistent, sipas klasës dhe koeficientit si në Shjoja Nr. 8 të Ligjit Nr. 08/L-196, apo 10.4×105 €.

8	Koordinator	€ 151,20	Llogaritja e shtesës mëjore në lartësi prej 20% të pagës bazë të Asistentit, sipas klasës dhe koeficientit si në Shtojca Nr. 8 të Ligjit Nr. 08/L-196, apo 7.2×105 €.
9	Drejtor i institutit	€ 75,60	Llogaritja e shtesës mëjore në lartësi prej 10% të pagës bazë të Asistentit, sipas klasës dhe koeficientit si në Shtojca Nr. 8 të Ligjit Nr. 08/L-196, apo 7.2×105 €. Kompenzimi fillon të ekzekutohet me rastin me rastin e gjenerimit të të hyrave nga instituti.
10	Sekretar i institutit	€ 37,80	Llogaritja e shtesës mëjore në lartësi prej 5% të pagës bazë të Asistentit, sipas klasës dhe koeficientit si në Shtojca Nr. 8 të Ligjit Nr. 08/L-196, apo 7.2×105 €. Kompenzimi fillon të ekzekutohet me rastin me rastin e gjenerimit të të hyrave nga instituti.
11	Shef i Departamentit (degës, programit) në njësi akademike	€ 109,20	Llogaritja e shtesës mëjore në lartësi prej 10% të pagës bazë të Profesorit asistent, sipas klasës dlle koeficientit si në Shtojca Nr. 8 të Ligjit Nr. 08/L-196, apo 10.4×105 €.
12	Sekretar i Departamentit (degës, programit) në njësi akademike	€ 37,80	Llogaritja në lartësinë prej 5% të pagës bazë të Asistentit, sipas klasës dhe koeficientit si në Shtojca Nr. 8 të Ligjit Nr. 08/L-196, apo 7.2×105 €.
13	Instruktur në Qendrën për përsosmëri në mësimdhënie për orë mësimi/trajnimi	€ 20,00	Llogaritja e kompenzimit për orë mësimi/trajnimi, me rastin Qendra gjeneron të hyra që si e tillë trajtohet si e hyrë e instituteve pasi është shërbim për ekonominë
14	Instruktur në qendrat profesionale në nivel të Universitetit për orë mësimi/trajnimi	€ 20,00	Llogaritja e kompenzimit për orë mësimi/trajnimi, me rastin Qendra gjeneron të hyra që si e tillë trajtohet si e hyrë e instituteve pasi është shërbim për ekonominë

Nr.	Funksioni	Lartësia e kompensimit	Llogaritja e kompenzimit në bazë të Opinionit ligjor me nr. reference 167/2023, datë 7.6.2023 të Departamentit Ligjor/MPB
1	Komisioneri i studimeve në nivel qendror	€ 54,60	Llogaritja e shtesës mëjore në lartësi prej 5% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjit Nr. 08/L-196, apo 10.4×105 €.
2	Këshilli qendror i studimeve të doktoratës	€ 65,52	Llogaritja e shtesës mëjore në lartësi prej 6% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjit Nr. 08/L-196, apo 10.4×105 €.

3	Këshilli botues	€ 54,60	Llogaritja në lartësinë prej 5% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10,4x105 €. Kompensimi bëhet për çdo takim të mbajtur, por jo më shumë se për dy takime në muaj.	
4	Komision i ankesave dhe parashtrresave i Senatit	€ 54,60	Llogaritja në lartësinë prej 5% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10,4x105 €. Kompensimi bëhet për çdo takim të mbajtur, por jo më shumë se për dy takime në muaj.	
5	Këshilli për cilësi	€ 54,60	Llogaritja e shëresës mëjore në lartësi prej 9% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10,4x105 €. Kompensimi bëhet për çdo takim të mbajtur, por jo më shumë se për dy takime në muaj.	
6	Këshilli i etikës	€ 98,28	Llogaritja e shëresës mëjore në lartësi prej 9% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10,4x105 €.	
7	Komisioni statutar	€ 54,60	Llogaritja në lartësinë prej 5% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10,4x105 €. Kompensimi bëhet për çdo takim të mbajtur, por jo më shumë se për dy takime në muaj.	
8	Komisioni për kërkesa dhe ankesa të Këshillit drejtues	€ 54,60	Llogaritja në lartësinë prej 5% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10,4x105 €. Kompensimi bëhet për çdo takim të mbajtur, por jo më shumë se për dy takime në muaj.	
9	Komisioni këshillëdhënës i rektorit për emëtime, riemërimë dhe avancime të personelit akademik	€ 54,60	Llogaritja në lartësinë prej 5% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10,4x105 €. Kompensimi bëhet për çdo takim të mbajtur, por jo më shumë se për dy takime në muaj.	
10	Këshilli i studimeve të doktoratës i njësisë akademike	€ 32,76	Llogaritja në lartësinë prej 3% të pagës bazë së Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10,4x105 €. Kompensimi bëhet për jo më shumë se një takim në muaj.	
11	Komisioni i studimeve i njësisë akademike	€ 21,84	Llogaritja në lartësinë prej 2% të pagës bazë së Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10,4x105 €. Kompensimi bëhet për jo më shumë se një takim në muaj.	

12	Komisioni recensues (kryetari) për një pozitë	€ 54,60	Llogaritja në lartësinë prej 5% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10.4×105 €.
13	Komisioni recensues (anëtar) për një pozitë	€ 32,76	Llogaritja në lartësinë prej 3% të pagës bazë të Profesorit asistent, sipas klasës dhe koeficientit si në Shtojca Nr. 8 të Ligjt Nr. 08/L-196, apo 10.4×105 €.

Nr.	Funksioni	Lartësia e kompensimit	Llogaritja e kompensimit në bazë të Opinionit ligjor me nr. reference 167/2023, datë 7.6.2023 të Departamentit Ligjor/MPB
1	Mentor në punimin e diplomës të studimeve bachelor	€ 43,68	Llogaritja në lartësinë prej 49% të pagës bazë të Profesorit asistent, sipas klasës dhje koeficientit si në Shtojca Nr. 8 të Ligjt Nr. 08/L-196, apo 10.4×105 €. Kompensimi lejohet për vetëm një (1) mentorim e në muaj, pasi të jetë plotësuar numri i mentorimeve sipas normës së rregullt.
2	Anëtar komisioni	€ 32,76	Llogaritja në lartësinë prej 39% të pagës bazë të Profesorit asistent, sipas klasës dhje koeficientit si në Shtojca Nr. 8 të Ligjt Nr. 08/L-196, apo 10.4×105 €. Kompensimi lejohet për vetëm dy (2) komisione në muaj.

Nr.	Funksioni	Lartësia e kompensimit	Llogaritja e kompensimit në bazë të Opinionit ligjor me nr. reference 167/2023, datë 7.6.2023 të Departamentit Ligjor/MPB
1	Mentor në punimin e diplomës të studimeve master	€ 163,80	Llogaritja në lartësinë prej 15% të pagës bazë të Profesorit asistent, sipas klasës dhje koeficientit si në Shtojca Nr. 8 të Ligjt Nr. 08/L-196, apo 10.4×105 €. Kompensimi bëhet për çdo mentorim, por për jo më shumë se katër (4) mentorime gjatë një viti akademik, pasi të jetë plotësuar numri i mentorimeve sipas normës së rregullt.
2	Anëtar komisioni	€ 54,60	Llogaritja në lartësinë prej 4% të pagës bazë të Profesorit asistent, sipas klasës dhje koeficientit si në Shtojca Nr. 8 të Ligjt Nr. 08/L-196, apo 10.4×105 €. Kompensimi bëhet për jo më shumë se katër (4) komisione gjatë një viti akademik.

Nr.	Funksioni	Lartësia e kompensimit	Llogaritja e kompensimit në bazë të Opinionit ligjor me nr. reference 167/2023, datë 7.6.2023 të Departamentit Ligjor/MPB
1	Mentor i disertacionit të doktoratës	Përkaktimi i lartësisë së kompensimit do të bëhet me vendim të veçantë të Këshillit drejtues	
2	Anëtar i komisionit për vlerësim të disertacionit të doktoratës	Përkaktimi i lartësisë së kompensimit do të bëhet me vendim të veçantë të Këshillit drejtues	
3	Anëtar i komisionit për mbrojje të disertacionit të doktoratës	Përkaktimi i lartësisë së kompensimit do të bëhet me vendim të veçantë të Këshillit drejtues	

Norma e orëve dhe lartësia e kompensimit për punën shtesë të personelit të rregullt akademik, orët mësimore të personelit akademik të pensionuar (të angazhuar në mësimdhënie deri në moshën 70 vjeçare) dhe orët mësimore të personelit të angazhuar në cili si bashkëpunëtorëve të jashtëm

Llogarita e kompensimit të punës shtesë për personelin e rregullt akademike, mbëshitetur në nenin 36, paragrafit 1 të Ligjit Nr. 08/L-196 për pagat në sektorin publik

Nr.	Thirrja akademike	Orët në javë	Orët në muaj (4 javë)	Paga baze mbi te cilien llogarijet puna shtesë deri ne 30% të pagesë sipas kalkulemeve të bera per 4 ore ne javë ligjerata ligjera apo ushtrimeve sipas pagesë baze me 30 % te pages	Totali major
1	Profesor asistent	4	16	1092 € Perllogarita e qumimit per një ore me 30 % te pages	20,48 € 327,60
2	Profesor i asocuar	4	16	1197 € Perllogarita e qumimit per një ore me 30 % te pages	22,44 € 359,10
3	Profesor i rregullt	4	16	1260 € Perllogarita e qumimit per një ore me 30 % te pages	23,63 € 378,00
4	Assistent	6	24	756 € Perllogarita e qumimit per një ore me 30 % te pages	9,45 € 226,80
5	Ligjerues	6	24	903 € Perllogarita e qumimit per një ore me 30 % te pages	11,29 € 270,90

Llogaritja e kompensimit të orëve mësimore të personelit akademik të pensionuar (të angazhuar në mësindhënie deri në moshën 70 vjeçare)

Nr.	Thirrja akademike	Orët në javë	Orët në muaj (4 javë)	Çmimi për orë	Totali mjuor
1	Profesor asistent	6	24	1092 €	20,48 € 491,52
2	Profesor i asocuar	6	24	1197 €	22,44 € 538,56
3	Profesor i rregullt	6	24	1260 €	23,63 € 567,12
4	Assistent	10	40	756 €	9,45 € 378,00
5	Ligjerues	10	40	903 €	11,29 € 451,60

Llogaritja e kompensimit të orëve mësimore të personelit të angazhuar nga jashë Universitetit, në cilësi të bashkëpunëtorëve të jashtëm (pa thirrje akademike në Universitet), por me gradë shkencore sipas kritereve të përcaktuara

Nr.	Thirrja akademike	Orët në javë	Orët në muaj (4 javë)	Çmimi për orë	Totali mjuor
1	Bashkëpunëtor i angazhuar për ligjëratë	6	24	€ 20,00	€ 480,00
2	Bashkëpunëtor i angazhuar për ushtrime	10	40	€ 10,00	€ 400,00
3	Ligjërues i angazhuar	10	40	€ 11,00	€ 440,00

Llogaritja e kompensimit të orëve mësimore të personelit të angazhuar nga jashë Universitetit, në cilësi të bashkëpunëtorëve të jashtëm (me thirrje akademike jashë teritorit të Kosovës), por me gradë shkencore sipas kritereve të përcaktuara

Nr.	Thirrja akademike	Orët në javë	Orët në muaj (4 javë)	Çmimi për orë	Totali mjuor
1	Bashkëpunëtor i angazhuar për ligjëratë	6	24	€ 30,00	€ 720,00